



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

Parlamentu Nasionál

11 Novembru 2020

OJE 2021

MAE kontinua hatama insentivu US\$30 kada fulan ba membru konsellu suku

Iha 10 Novembru 2020, Ministériu Administrasaun Estatál (MAE) iha audénsia públiku ho Komisaun A Parlamentu Nasionál kona-ba OJE 2021. Partisipa iha audénsia, aleinde representante husi Governu sentrá, iha representante husi governu lokál sira.

Iha audénsia ne'e, MAE nafatin inklui iha OJE 2021 orsamentu Ministériu nian insentivu ba membru konsellu suku sira ho montante US\$30 kada fulan. Membru konsellu suku sira antes ne'e simu de'it US\$45 ba kada fulan neen (6). Insentivu ba tinan fiskal 2020 nian ba fulan 10 de'it no tinan fiskal 2021 mak ba tinan tomak ka fulan 12.

"JSMP apresia aas tebes MAE, partikularmente Exelénsia Sr. Miguel Pereira de Carvalho, Ministru MAE nia inisiativa no planu orsamentu ne'e. Inisiativa ne'e responde ona ba preokupasaun membru konsellu suku sira-nian kona-ba insentivu US\$45 kada fulan neen ne'ebé durante ne'e membru konsellu suku sira kestiona bainhira JSMP halo treinamentu ba sira," dehan Diretora Ezekutiva JSMP, Ana Paula Marçal.

Ida ne'e nu'udar progresu ida husi MAE no espera ministru kontinua fó atensaun mós ba facilidade serbisu iha suku sira hodi fasilita estrutura suku sira bele halo atendimentu ba nesidade comunidade sira nian ho dignu.

Atu hetan informasaun kompletu bele kontaktu:

Ana Paula Marçal

Diretora Ezekutiva JSMP

Email: ana@jsmp.tl

Telefóne: 3323883 | 77040735

Website: <http://jsmp.tl>

Rua Beco Lakateu, Aldeia Manufuik,
Suku Colmera, Administrativu Vera Cruz
Dili Timor Leste
PoBox: 275
Telephone: 3323883 | 77040735
www.jsmp.tl
Facebook: www.facebook.com/timorleste.jsmp
Twitter: @JSMPtl